

ՀԱՆԴԻՍԱՎՈՐ ԵՒՍՏ՝

ՆՎԻՐՎԱԾ ՇՈԹԱ ՌՈՒՍՅԱՎԵԼՈՒ ԾՆԵԴՅԱՆ 800-ԱՄՅԱԿԻՆ

Սեպտեմբերի 21-ին երեանում, Գ. Ստեղծույ-
լանի անվան պետական ակադեմիական թատ-
րոնում կայացաւ Շոթա Ռուսթավելու ծննդյան
800-ամյակին նվիրված հորեւյանական հանդի-
սավոր նիստ, որին ներկա էին մայրաքաղաքի
հասարակայնության բազմաթիւ ներկայացու-
ցիչներ՝ բանվորներ, ծառայողներ, գիտնական-
ներ, գրողներ, արվեստագետներ, ուսանողներ:
Նիստին մասնակցում էին նաև եզրայրական
Վրաստանից ժամանած հյուրեր:

Հորեւյանական հանձնաժողովի նախագահ
բանաստեղծ Գեղամ Սարյանը, բացելով հան-
դիսավոր նիստը, համառոտակի բնութագրեց
Շոթա Ռուսթավելու «Վաղրենավորը» պոեմի
գաղափարական ու գեղարվեստական այն ար-
ժանիքները, որոնք նրան դասում են համաշ-
խարհային գրականութան գլուխգործոցների
շարքում: Շոթա Ռուսթավելին, — ասաց նա, —
իր մեծ արվեստի շնորհիւ հարյուրամյակներ
շարունակ գերել է շատ ու շատ սերունդների,
սիրելի դարձել ոչ միայն վրաց, այլև աշխարհի
բոլոր ժողովուրդներին:

Բացման խոսքից հետո զեկուցումով հանդես
եկավ նախիւ Զարյանը:

«Վաղրենավորը» վիպերգությունը, — ասում է
նա, — վրաց բաղմադարյան հոգևոր մշակույթի
պսակն է, համաշխարհային պոեզիայի գոհար-
ներից մեկը: Շոթա Ռուսթավելին, հանդես գա-
լով մի ժամանակաշրջանում, երբ Վրաստանը
հասել էր իր հզորության ու ծաղկման գագաթ-
նակետին, բանաստեղծական տողերում մարմ-
նավորեց եզրայրության, սիրո, խաղաղության
ու երջանկության համամարդկային ձգտումնե-
րը, և այդ բոլորի շնորհիւ նրա պոեմը ձեռք է
բերել անմրցելի ժողովրդայնություն: «Վրաս-

տանի գրականության այդ անգերազանց կոթո-
ղը, — շարունակում է զեկուցողը, — անապա-
տում բուռն մի ծառ չէր: Նրա արմատները
թաղված էին այն ժամանակվա Արևելքի դար-
ձեցն ազդարարող հոգևոր շատ երևույթների
մեջ: Հիշենք նիզամիի, Նավոյի և Արևելքի
մյուս հսկաների ստեղծագործությունները, Նա-
րեկացու, Շնորհալու երկերը, Վարդան Այգե-
կցու առակները, հանձարեղ «Սառունցի Գավթի»
էպոսը և այլն»:

Զեկուցման վերջում ն. Զարյանը խոսեց այն
սիրո ու զնահատանքի մասին, որին արժանա-
ցել է Ռուսթավելու պոեմը հայ իրականու-
թյան մեջ:

Հայկական ՄՍՀ ԳԱ ակադեմիկոս, երևանի
պետական համալսարանի ռեկտոր Մկրտիչ Ներ-
սիսյանը խոսեց Ռուսթավելագիտության մեջ հայ
բանասերների ներդրած խոշոր ավանդի մասին:
Նա հայտնեց նաև, որ շուտով երևանի պետա-
կան համալսարանում ստեղծվելու է Ռուսթավե-
լու անունը կրող գիտահետազոտական կաթի-
նետ, որը գառնալու է վրաց բաղմադարյան
գրականության ուսումնասիրության կենտրոն
մեր հանրապետությունում:

Հորեւյանական նիստում ելույթներ ունեցան
նաև հանրապետության ժողովրդական արտիստ,
Հայաստանի կոմպոզիտորների միության նա-
խագահ էդուարդ Միրզոյանը, վրաց բանաս-
տեղծ Ալիո Միրջխույավան, Հովհաննես Շիրազը:
Վրաց բանաստեղծ Ռևազ Մարգիանին արտա-
սանեց Շոթա Ռուսթավելու ծննդյան 800-ամ-
յակին նվիրված իր բանաստեղծությունը:

Հանդիսավոր նիստն ավարտվեց Վրաստանի
և Հայաստանի արվեստի անվանի վարպետների
համերգով:

Ա. ՍՈՂՈՄՈՆՅԱՆ

ԻՆԾԱՎԱՍՏԱԿ ՊԱՏԻՄԱՔԱՆԸ

(Ի. Պ. Կրիպյակևիչի ծննդյան 80-ամյակի առթիվ)

Լրացավ եզրայրական Ուկրաինայի մեծավաս-
տակ գիտնական, հանրապետության ակադե-
միայի իսկական անդամ Իվան Պետրովիչ Կրիպ-
յակևիչի ծննդյան 80 և գիտական ու հասարա-
կական գործունեության 60-ամյակը:

Մեծ է նրա վաստակը ինչպես Ուկրաինայի
Ռուսաստանի ու Հեհաստանի, այնպես և Ուկ-
րաինայի հայ գաղթավայրերի և հայ-ուկրաի-
նական պատմական կապերի ուսումնասիրու-
թյան բնագավառում:



Իվան Պետրովիչը ծնվել է 1886 թ. հունիսի 25-ին: 1904 թ. ընդունվում է Լվովի համալսարան: Նա դեռևս 1907 թ. հրատարակում է «Լվովյան Ռուսիան XVI դ. առաջին կեսին» մենագրությունը, որով ներկայացնում է միջնադարյան քաղաքի սոցիալ-տնտեսական կյանքը, հասերը, դասակարգային պայքարը, ազգային ու կրոնական փոխհարաբերությունները Լվովի բազմազգ բնակչության մեջ: 1911 թ. Կրիայակեիչը դառնում է Տ. Դ. Շեչենկոյի անվան գիտական ընկերության պատմա-փիլիսոփայական սեկցիայի անդամ՝ ծավալելով եռանուն գործունեություն:

Իվան Պետրովիչի գիտական գործունեության առաջնիքն արդյունավետ շրջանը զուգահեյսեց Արևմտյան Ուկրաինան մայր երկրի հետ վերամիավորվելու ժամանակաշրջանին, երբ՝ նա նվիրվեց Սովետական Ուկրաինայի պատմական գիտության զարգացմանը, նշանակվելով Լվովի համալսարանի պրոֆեսոր և Ուկրաինայի պատմության ամբիոնի վարիչ, 1951 թ. ուկրաինական ակադեմիայի Լվովի ֆիլիալի հասարակական գիտությունների ինստիտուտի պատմության բաժնի վարիչ, ապա և ինստիտուտի գլխավոր, 1958 թ. նա ընտրվում է ուկրաինական ակադեմիայի ակադեմիկոս, 1961 թ. ստանում է գիտության վաստակավոր գործչի կոչում:

Համալսարանում և հասարակական գիտությունների ինստիտուտում աշխատելու ընթացքում նշանավոր գիտնականը ուսումնասիրում է

իր ժողովրդի ազատագրական պայքարի պատմությունը և կապերը հարևան ժողովուրդների հետ, հրատարակում ժողովածուներ, մենագրություններ, հոդվածներ: 1953 թ. նա հրատարակում է իր ուշագրավ մենագրությունը «Արևմտյան Ուկրաինայի հարաբերությունները Ռուսաստանի հետ մինչև XVII դարի կեսերը», իսկ 1954 թ.՝ «Բուգյան համելիցկի» մոնումենտալ ուսումնասիրությունը: 1955 թ. Ի. Պ. Կրիայակեիչը ձեռնարկեց նաև Ուկրաինայի քաղաքների պատմության ուսումնասիրության գործը:

Մեծավաստակ գիտնականը իր կյանքի ավելի քան 60 տարին նվիրել է պատմագրությանը՝ հրատարակելով մոտ 600 խոշոր ու մանր աշխատություններ (տե՛ս վերջերս հրատարակված մատենագրությունը նրա մասին¹):

Կրիայակեիչը հայտնի է ոչ միայն որպես պատմաբան, աղբյուրադեմ, աշխարհագրագետ, հրապարակախոս, ժուռնալիստ, այլ նաև որպես մանկավարժ, դասախոս, գիտության գործուն սրտպագանդիստ:

Մեծ և ակադեմիկոս Կրիայակեիչի դերը Ուկրաինայի ու Լեհաստանի հայկական գաղթապայրերի պատմության ուսումնասիրության գործում: Նրա ղեկավարությամբ և օգնությամբ մշակված ծրագրով տասնյակ ուկրաինացի գիտնականներ սկսեցին ուսումնասիրել հայ-ուկրաինական պատմական կապերն ու հայ գաղութները, այդ աշխատանքները հանրագումարի բերելով 1959 թ. Երևանում, ապա 1962 թ. Կիևում ու Լվովում հրավիրված համատեղ գիտական նստաշրջաններում: Ինքը՝ Իվան Պետրովիչը, հանդես եկավ նույն նստաշրջաններում «Լեհահայ պատմաբան Սադոկ Բարոնչը» (1959 թ.) և «Լվովի հայ գաղութի սկզբնավորման հարցի շուրջը» (1962 թ.) գիտական զեռուցումներով:

Հայկական գաղութների և հայ-ուկրաինական կապերի հարցը ակադեմիկոս Կրիայակեիչին հետաքրքրել է դեռևս ուսանողական տարիներին՝ սրանից 60 տարի առաջ: 1907 թ. հրատարակած մենագրության մեջ նա ուշադրություն է հրավիրում Լվովահայ գաղութի պատմության տարբեր փաստերի վրա, հայ-ուկրաինական կապերի վրա:

Այժմ՝ 60 տարի անց, ակադեմիկոս Կրիայակեիչը շատ ավելի բազմակողմանի է ներկայացնում ժողովուրդների բարեկամության պատմական արժատները, իր երիտասարդ գրչակիցներին ու աշակերտներին մղելով դեպի այդ կարևոր հարցերի ուսումնասիրության բնագավառը:

Վ. ՈՍԿԱՆՅԱՆ

¹ Ի. Պ. К р и п'я к е в и ч. Бібліографічний покажчик. Львів, 1966.